



## Cylchlythyr Haf - Awst 2022

### Annwyl Landlord / Asiant,

Cafodd opsiynau hyfforddi Rhentu Cartref eu lansio; gweithredwch nawr i baratoi at y newidiadau deddfwriaethol sy'n fyw o 1 Rhagfyr eleni.

Mae diweddariadau eraill yn y rhifyn hwn yn cynnwys sut y gallwch:

- Ddylanwadu ar gyfraddau Lwfans Tai Lleol
- Gwarantu'ch incwm rhent, gyda'r cynllun prydlesu cenedlaethol
- Dweud eich dweud am ddatgarboneiddio'r Sector Rhent Preifat; a
- Sicrhau bod eich cleientiaid landlord yn dal i gydymffurfio

---

#### | Rhentu Cartrefi

### Rhentu Cartrefi

Hyfforddiant ar-lein  
ac ystafell ddosbarth  
bellach ar gael



# Rhentu Cartrefi - hyfforddiant wedi'i lansio

Mae tenantiaethau yn newid yng Nghymru o **1 Rhagfyr 2022** ac mae yna bethau y mae'n rhaid i chi eu gwybod a'u gwneud er mwyn bod yn barod.

I'ch helpu chi mae opsiynau hyfforddi 'Rhentu Cartrefi' ar gael nawr. Mae'r rhain yn cynnwys [hyfforddiant ar-lein am ddim a digwyddiadau dosbarth a rithiwr](#) am fwy o ddysgu rhyngweithiol a thywysedig.

## Yr hyn fyddwch yn ei ddysgu

Nod ein cyrsiau yw rhoi trosolwg cyflawn o'r gyfraith newydd i chi, esboniad o sut y bydd cytundebau tenantiaeth yn newid, beth sydd angen eu cynnwys mewn contractau newydd a chyfrifoldebau ychwanegol fydd yn cael eu rhoi ar landlordiaid a thenantiaid.

Er y bydd llawer o'ch ymarfer busnes yn aros heb newid i raddau helaeth, mae canlyniadau sylweddol o gael pethau'n anghywir, gan gynnwys cosbau ariannol. Mae o fudd i chi wneud yn siŵr eich bod chi'n deall ac yn paratoi at y newidiadau sy'n dod, mewn da bryd.



## Hyfforddiant Dosbarth / Rhithiwr Rhentu Cartrefi

Wedi'u cyflwyno gan arbenigwyr yn y diwydiant, mae ein dyddiadau dosbarth a rithiwr sydd ar ddod yn cynnwys:

**Dydd Mawrth 23 Awst 2022** – Village Hotel Caerdydd

**Dydd Mercher 31 Awst 2022** – MRC Llandrindod

**Dydd Mercher 31 Awst 2022** - Cwrs Ystafell Rithiwr (Ar-lein)

Archebu lle -  
Caerdydd

Archebu lle -  
Llandrindod

Archebu lle - Ystafell  
Rithiwr



# Hyfforddiant Ar-lein

Ar gyfer dysgu hunan-dywys, archebwch eich hyfforddiant am ddim ar-lein [yma](#).

Archebu hyfforddiant ar-lein

## | Lwfans Tai Lleol



## Gwnewch wahaniaeth - dylanwadu ar gyfraddau Lwfans Tai Lleol

Mae Swyddogion Rhent Cymru, sy'n rhan o Lywodraeth Cymru, yn cynnal ymchwil i'r farchnad ar y sector rhentu preifat i helpu i bennu cyfraddau Lwfans Tai Lleol a phrisiadau budd-dal Tai.

Er mwyn sicrhau bod y cyfrifiadau hyn yn adlewyrchu'n gywir yr hyn sy'n digwydd yn y farchnad dai, maent yn gofyn i chi ddarparu Gwybodaeth gyfoes am eich gosodiadau. Drwy wneud hyn byddwch yn sicrhau bod newidiadau diweddar yn y farchnad yn cael eu hystyried pan fydd yr Adran Gwaith a Phensiynau yn gosod y lefelau.

## Mae angen eich mewnbwn

Gallwch helpu drwy lenwi'r ffurflen wybodaeth am osodiadau a geir [yma](#). Dylid

dychwelyd y ffurflenni wedi'u llenwi i:

[RentOfficersLettingsResearch@wales.gsi.gov.uk](mailto:RentOfficersLettingsResearch@wales.gsi.gov.uk)

Nid yw gwybodaeth bersonol rydych yn ei rhoi i Swyddogion Rhent Cymru yn cael ei rhannu gydag unrhyw drydydd parti arall, er bod gwybodaeth gosodiadau dienw yn cael ei rhannu gyda Swyddfa'r Ystadegau Gwladol i'w cynorthwyo i gyfrifo'r newidiadau i gostau rhent o fewn y sector preifat ([Mynegai Prisiau Rhentu Tai Preifat, DU](#)). Gallwch weld eu datganiad preifatrwydd [yma](#).

Am unrhyw ymholiadau pellach cysylltwch â [rentofficerhelpdesk@gov.wales](mailto:rentofficerhelpdesk@gov.wales) neu ffoniwch [0300 062 5108](tel:03000625108).

Cwblhau'r ffurflen

## | Cyfleoedd Prydlesu



## Gwartu eich incwm rhent - Cynllun Prydlesu Cenedlaethol

Mae Llywodraeth Cymru, mewn cydweithrediad â phymtheg awdurdod lleol, wedi lansio [cynllun prydlesu cenedlaethol](#).

Mae Cynllun Lesio Cymru yn cynnig incwm rhent gwarantedig i landlordiaid am rhwng pum ac ugain mlynedd. Yn ogystal, mae grantiau heb fod yn ad-daladwy ar gael i ddod ag eiddo hyd at safon y cytunwyd arni, neu i gwrdd â sgôr 'C' TPY.

Yr awdurdod lleol sy'n rheoli'r eiddo'n llawn, ac mae hyn yn cynnwys yr holl waith atgyweirio a chynnal a chadw ar gyfer cyfnod y brydles. Mae awdurdodau lleol hefyd yn darparu gwasanaeth rheoli a chefnogi tenantiaeth lawn.

I ddysgu mwy, cliciwch [yma](#).

Dysgwch fwy

## | Effeithlonrwydd Ynni



## Dweud eich dweud am ddatgarboneiddio

Hoffai Pwyllgor Newid Hinsawdd, Yr Amgylchedd ac Isadeiledd Llywodraeth Cymru glywed eich barn am [ddatgarboneiddio'r sector tai preifat](#).

Mae'r ymchwiliad yn adeiladu ar y dystiolaeth sydd eisoes wedi ei dderbyn gan randdeiliaid yn ystod cyfnod un. Nawr, mae'r Pwyllgor yn canolbwyntio ar y sector tai preifat (h.y. y sectorau rhent preifat a pherchen-feddianwyr). Mae cylch gorchwyl yr ymchwiliad wedi'i gynnwys yn y ddolen hon [yma](#).

## Sut i rhannu eich dweud

Gellir dod o hyd i ragor o wybodaeth ar wefan yr ymgynghoriad [yma](#). Y dyddiad cau ar gyfer dystiolaeth ysgrifenedig yw **dydd Llun 22 Awst 2022**.

## | Diweddariad ar gyfer asiantau gosod



## A yw eich cleientiaid landlord yn dal i gydymffurfio?

Mae gan Rhentu Doeth Cymru ddyletswydd gyfreithiol i hysbysu asiantau pan nad yw cleient sy'n landlord wedi adnewyddu eu cofrestriad landlord. Y ffordd orau o wneud hyn yw rhoi'r gallu i chi weld statws cofrestriadau landlordiaid yn eich cyfrif Rhentu Doeth Cymru. Mae'r opsiwn hwn yn lleihau'r baich gweinyddol arnoch chi hefyd.

I weld y wybodaeth hon, dilynwch y camau isod:

- [Mewngofnodwch](#) i'ch cyfrif Rhentu Doeth Cymru
- Ewch i'ch **proffil Asiant**
- Cliciwch ar eich tab '**Eiddo Rhent a Reolir yng Nghymru**'
- Bydd y tabl '**Eiddo Cysylltiedig Presennol**' yn dangos dyddiadau dod i ben eich cofrestriadau landlord
- Gallwch dddoli'r tabl i ddangos y cofrestriadau sy'n dod i ben yn gyntaf trwy ddewis '**Cofrestriadau'r Dod i Ben mewn Trefn Esgynnol**' o'r gwymplen uwchben y tabl

Mae'r golofn 'Cofrestriad yn Dod i Ben' yn dangos y dyddiad y bydd cofrestriad y landlord yn dod i ben. Mae cofrestriadau landlordiaid yn cael eu dirymu 28 diwrnod ar ôl iddynt ddod i ben oni bai bod y landlord yn adnewyddu'r cofrestriad neu'n apelio yn erbyn y dirymiad.

**Cofiwch fod gennyh ról bwysig i'w chwarae wrth sicrhau bod eich**

landlordiaid a'u heiddo wedi'u cofrestru. Mae hwn yn gyfrifoldeb sydd wedi ei nodi yn amodau eich trwydded.

Gwirio dyddiadau dod i ben

Rhentu Doeth Cymru | Rent Smart Wales  
Copyright © 2015-2022

Rhentu Doeth Cymru | Rent Smart Wales  
Blwch PO / PO Box 1106 Caerdydd /  
Cardiff CF11 1UA

[rhentudoeth.llyw.cymru](http://rhentudoeth.llyw.cymru)  
[rentsmart.gov.uk](http://rentsmart.gov.uk)



Llywodraeth Cymru  
Welsh Government